



## Consello de Galicia

Buenos Aires, 16 de Nadal do 1957.-

Señor D.  
César Alvajar  
Rue D'assas 78  
PARIS, VI

-----

Querido Alvajar:

Non noso poder a túa carta, que nos causou a todos moi-  
tísima satisfacción, xa que nos permite dar inicio a solución de unhas  
das nosas maiores preocupacións: o que Galicia teña representación en  
París, atendida por persoa tan axeitada coma ti.

Inmediatamente de recibirse a túa carta, a Irmandade Galega de Buenos  
Aires, aos efectos de dar cumprimento a normas formales, solicitou das  
entidades similares de Rosario, Mar del Plata, Mendoza, Montevideo (Uru-  
guay) e outras, a aprobación da tua credencial, que che remitiremos en  
canto recibamos as respostas, que pedimos urxente e telegraficamente.

Agora ben e referente, precisamente, ás credenciais: a da Irmandade ser-  
virache pra atuar ante os partidos políticos, organizacións sindicais  
e demais institucións de eisilados, de carácter político privado.

En troques, pra entenderte co goberno Republicano no eisilio, eisí como  
coñ gobernos autónomos vasco e catalán, atuaras en nome e representa-  
ción do Consello de Galicia, con credencial que el che estenderá.

A distinción é pra nós sustancial pol-as razóns que paso a eispoñerche:  
a Irmandade, os Centros provinciais e as demais Institucións da colei-  
tividade que recoñecen e apoian e asesoran ó Consello, teñen delegado  
n-el a misión de dirixir as relacións oficiais coas institucións políti-  
cas institucionais e constitucionais da República, o Goberno da Repu-  
blica e os gobernos vasco e catalán.

Así aituou eiquí cando veu Gordón Ordás, e así sigue actuando ante o  
Delegado do Goberno Republicano, e ante os representantes dos gobernos  
vasco e catalán.

Irmandade Galega nasceu cando Castelao propuxo que no eisilio non debe  
haber partidos políticos xa que non hai eleccións; debe haber, si, entida-  
des patrióticas nas que poñan e deban actuar persoas de todas as ideolo-  
xías afíns, de senso democrático, republicano e galeguista. Aprobouse a  
tesis de Castelao, e por eso a Irmandade é a única entidade especifica-  
mente política da que forman parte xentes dos máis diversos matices, in-  
cluso moitos sin partido, dende sindicalistas libertarios até Unión e  
Izquierda Republicana, todos se siño galeguista.

Pregámosche unha resposta o máis pronto que che sea posíbel encol diste



Consello de Galicia

César Alvajar - 16-12-57-

2

Vemos con moita satisfaiçión que tés e seguirás tendo no teu fillo Xavier, un valioso auxiliar e colaborador. Estas, naturalmente, autorizado a vincular-o ó noso problema, incluso a que, nos casos en que haxa "pleito de menor cantía", onde non conveña, que ti te "gastes" ou te "queimes", aítue el na tua representación, baixo a direición e a orientación túa. Isto eistensivo ó teu fillo ou a outras persoas, que ti vexas. Despois veremos de resolver o referente as "accesorías". Dende agora podeslle decir que non nos pasa inadvertida a súa axuda, da que tomamos boa nota. Pra algo -se non me trabuco- e fillo da que fora nosa boa irmandiña da Cruña, doña Amparo Jean.

. . .

Temos lido con moito interés e deteñimento o esbozo de Estatuto do proieitado Governo Provisional. Coincidimos contigo na apreciación do seu contido. O que si nos chamou moito a atención e o que di o seu autor - a quen eu coñezo ben- sobre autonomía rexionales, recoñecendo que o problema esta superado pol-a "nova" doutrina das nazonalidades, e da súa idea federal ou confederal. Parece un "sustancial progreso", como diría un diplomático yanqui. No que coido que se equivoca e na súa estimanza da opinión de Jimenez de Asua, pois iste, a menos que adprendese algo mais nas suas andanzas por estas terras- tense proclamado convicto e confeso antifederalista e antiautonomista. En certa ocasión tuven que refutalo, publicamente, en Valparaíso.

E namáis, até non ter novas túas, pra che mandar os "papeles" no senso indicado. Na cea tradicional que todolos fins de ano ofrece o Consello de Galicia aos seus amigos e colaboradores anunciárase iste ano, oficialmente e publicamente a túa designación, xa que ate agora a xestión levaramola con certa reserva por razóns obvias.

Saúdos cordialísimos de todos estes amigos e irmáns, e da miña parte unha forte aperta de

Ramón Suárez Picallo

Ramón Suárez Picallo

REPRESENTACION DE GALICIA EN PARIS

Visto:

O resultado favorable da xestión que o Consello de Galiza lle encomendara ó irmán Conselleiro de Relacións D. Ramón Suárez Picallo, pra desinñar un representante en París que, en nome de Galicia e dos galegos que aituán na emigración pra conquistar a súa liberdade nun réximen de autodeterminación política, republicán e democrática, e

Considerando:

As circunstancias políticas, patrióticas e persoales que concurren na persoa de Don César Alvajar Diéguez, natural da Cruña, quen acepta ocupar ise posto, en completo acordo con un índice de ideas, principios e propósitos, que, reservadamente, lle foi consultado, con referencia á súa situación

O CONSELLO DE GALIZA

Acordar

Nomear a Don César Alvajar Diéguez seu representante en París, con poderes e facultades d-abondo, pra aituar perante o Goberno Republicano Español en exilio, eisi como ante os gobernos autónomos de Euzkadi e Catalunya, en todol-os traballos que se foagan mancomunadamente, pra restaurar na Península, un rexímen de liberdade, de democracia e de convivencia pacífica, entros homes i-os povos que a habitan. Eisi como ante outros gobernos ou institucións supranacionais, onde Galicia poida ser solicitada ou consultada.-

Pors efectos de que o noso representante poida aituar noutros aspectos da acción que se ven realizando en París, tendente a poñerlle fin ó rexímen aitalmente imperante na Península, O Consello prégallo á Irmandade Galega que, no seu caraiter de entidade espe-

cíficamente política e patriótica, dos galegos, no exilio, lle conceda é devandito D. César Alvajar, tamén a súa representación, perante os partidos políticos, orgaizaciéns sindicais e demais institucións militantes que aítúan no mesmo senso desde París.-

Dado na cibdade de Buenos Aires, República Argentina, o día dezacito de nadal do ano de 1957.-

*Ramón Suárez Picallo*

Ramón Suárez Picallo  
Conselleiro de Relacións

Antón Alense Ríos  
Segretario  
do Consello de  
Galiza